

Ebbaluṅa eyohubiri eya Yowaane Enyanjula

Ebbaluṅa ya *Yowaane* yino, Yowaane omuhwenda wa Yesu nj'owayinḁandiiha, ṅagati w'omwaha ogw'ataanu n'ecikumi oluvanyuma lw'ohusaaliwa hwa Kurisito. Yowaane saalaga ati nj'owanḁandiiha ebbaluṅa yino aye geranga ati gaali mutangirisi. Yowaane ganḁandiiha ebbaluṅa yino n'ali mu hibuga Efeeso.

Mundoma ey'ohubbumbirya, Yowaane aloma ati anḁandiihira omuhasi omutobole ko n'abaana babe. Hamunga gaali aloma hu hibubbu hy'abafugiirira Kurisito. Ehigendererwa hya Yowaane ohuḁandiiha ebbaluṅa yino, hyali hugumya abafugiirira Kurisito n'ohubalabula ohwehuuma abasomesa ab'obudulingi.

Ebiri mu bbaluṅa yino mu buupi

1. Obuheese (1:1-3)
2. Ehiragiro hy'ohwendananga (1:4-6)
3. Ohulabula ohuḁamba hu basomesa ab'obudulingi (1:7-11)
4. Engohoba (1:12-13)

Enyanjula

¹ Ese omutangirisi, pandiihira ewe omuhasi* oyu Hatonda gatobola ko n'abaana babo

* **1:1** 1:1 Bangi baṅeega baati hwali hubbumbirya mu hifo hy'ohuloma oti ehubbubbu hy'abafugiirira.

aba nenda obugali. Sindiise senene abenda aye ni naabo abamanyire amazima boosi babenda,² olwohuba amazima aga hwafugiirira sihuja hulehera aho ohugafugiirira emirembe n'emirembe.

³ Hatonda Seefe ni Yesu Kurisito Omwana wuwe batunambire ehisasabirisi era batunenga emiyaaya mu mazima ne mu hwendana.

Amazima n'ohwenda

⁴ Hyasangaasa ni nanulira ti balala hu baana babo bafugiirira amazima, ng'olu Hatonda Bbaabba gaatulagira. ⁵ Olw'ehyo, ewe omuhasi omuhoda, sikuhandiihira hiragiho hinyaaha aye ehyo ehi batunja hale n'atulagira hwendanenga.*

⁶ Ohwendana hitegeesa ohugondera amagambi ga Hatonda. Ng'olu mwanulira ehiragiho ehyo ohunwera olu mwafugiirira Yesu, ehiragiho hi-hye hiri ti mwendanenga.

⁷ Hiri hiityo olwohuba abasomesa ab'obudulingi bahwene ehyalo hyosihyosi. Basomesa baati Yesu Kurisito sigafuuha muutu era sigasaaliwa. Omuutu asomesa atyo, aba adulinga era aba mulabe wa Kurisito.

⁸ Olw'ehyo, mwehuume ko mutafiiirwa ehi mwafululuhanira† ni mujeeresa Hatonda, aye musune omugabo mu wiijufu ogu gabasuubisa.

⁹ Hiisi muutu alehano ohufugiirira ebinjamba hu Kurisito ng'olu bamusomesa, oyo saaba n'ahiiri bulala ni Hatonda. ¹⁰ Omuutu yesiyesi asomesa eby'obudulingi, simumusangaliranga

* **1:5** 1:5 Yow 13:34; 15:12,17 † **1:8** 1:8 Oba ehi hwafululuhanira.

nomu mago genywe. ¹¹ Oyo amusangalira aba ali bulala ni naye mu bikolwa bibye ebibi.

¹² Ndi n'ebingi eby'ohuhunandiihira aye olwohuba suubira ohuuja eyo kuboneho era hunaye hwahasangaalira njalala.

¹³ Abaana ba mugandaawo aba Hatonda gaatobola, boosi bahuhehiseho.

Endagaano Epyaha mu Lunyole
Nyole: Endagaano Epyaha mu Lunyole (Bible)

copyright © 2019 Wycliffe Bible Translators, Inc.

Language: (Nyole)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

e00787cd-838f-597a-9477-00b97e4e2cff